

SO WHAT *What is the relevance of the Word to my life?*

- Ano na ang mga naging pagbabago sa buhay mo simula nang maging Kristiyano ka?
- Sa pagbigay liwanag sa katotohanang kaisa tayo sa kamatayan at pagkabuhay ni Cristo, papaano mo maipapakita sa iyong buhay ang ginawa ni Jesus para sa atin?
- Masasabi mo bang patay ka na sa kasalanan o marahil may ilang bahagi pa sa iyong buhay na iyong nilalabanan pagdating sa tukso? Ano ang sinasabi ng Salita ng Diyos tungkol dito upang madaig mo ang mga ito?

NOW WHAT

NOW WHAT *How do I apply the Word to my life?*

- Anu-anong mga karaniwang tukso ang kinakaharap mo ngayon at anong mga praktikal na hakbangin ang kailangan mong gawin upang malampasan ang mga ito?
- Papaano natin palalakasin ang pananampalataya natin kay Cristo at sa ginawa Niya para sa atin upang makapamuhay tayo ng may katagumpayan?
- Sino ang maaari mong tulungan at palakas in ang loob upang sumunod sa kaparaanan ng Diyos at maranasan din ang buhay na bigay Niya?

PRAYER

- Ipagdasal ang bawat isa na makapamuhay sa kapangyarihan ng Banal na Espiritu at hindi sa sariling kakayahan.
- Ipanalangin ang bawat isa na maisapamuhay ang alay na buhay ni Jesus para sa inyo—isang buhay na matuwid at may katagumpayan.
- Hilingin sa Diyos ang nag-uumpaw na grasya upang matulungan kang maging patay sa kasalanan at maisapamuhay ang buhay na kalugod-lugod sa Kanya.



VICTORY

Honor God. Make Disciples.

Karapatang Pag-aari © 2012
Pinahihintulutan ang pagkopya ng lathaing ito na galing sa Victory® para sa kagamitan ng lokal ng simbahan.
Ito ay hindi pinagbibili.
victory.org.ph

FILIPINO

Patay o Buhay

Week 1

NOTES

[illegible]

CONNECT

- Ano ang nakakakilig at kakaibang karanasan na dumating sa tanang buhay mo?
- Meron ka bang isang natatanging kaalaman o kakayahan na hindi basta kayang gawin ng iba ? Papaano mo ito ginagawa?
- Anu-ano ang mga gusto mong gawin o baguhin ngayong bagong taon at papaano mo ito isasagawa?

WORD

⁸At kung namatay tayong kasama ni Cristo, naniniwala tayong mabubuhay din tayong kasama niya. ⁹Sapagkat alam nating si Cristo'y muling nabuhay at hindi na muling mamamatay. Wala nang kapangyarihan sa kanya ang kamatayan. ¹⁰Minsan lang siyang namatay para sa kasalanan ng mga tao; at nabubuhay siya ngayon para sa Diyos. ¹¹At dahil nakay Cristo Jesus na kayo, ituring ninyo ang inyong mga sarili na patay na sa kasalanan at nabubuhay na para sa Diyos. ¹²Huwag na ninyong paghariin ang kasalanan sa inyong katawang may kamatayan, para hindi na ninyo sundin ang masasamang hilig nito.

Roma 6:8-12

WHAT

What does the Bible say?

Nang niligtas ni Jesus ang mundo sa pamamagitan ng Kanyang pagkamatay sa krus, naging abot-kamay ang isang bagong buhay para sa sangkatauhan. Gayon man, hindi lahat ay nauunawaan ang taglay ng bagong buhay na ito kaya nga't karamihan sa mga tumanggap sa alay na kaligtasan ni Jesus ay namumuhay pa ring talunan. Anong mga katotohanan ang kailangan nating malaman tungkol sa alay na buhay ng Diyos sa pamamagitan ni Jesus upang tayo ay maging maunlad?

- **Tayo ay patay na sa kasalanan.**

⁶Alam natin na ang dati nating pagkatao ay ipinako na sa krus kasama ni Cristo para mamatay, kaya hindi na tayo dapat alipinin pa ng kasalanan. ⁷Sapagkat ang taong patay na ay Malaya na sa kasalanan.

Roma 6:6,7

Ang pagtanggap sa kaligtasang regalo ni Jesus ay nangangahulugang kaisa tayo kay Cristo sa Kanyang kamatayan. Ibig sabihin rin ay naipako na kasama ni Cristo ang dati nating mga sarili na makasalanan upang mawalan ng kapangyarihan ang kasalanan sa ating buhay. At tulad ng mga patay na wala ng nagagawa at hindi na tumutugon, ganun din dapat tayo sa kasalanan (Colosas 3:5-9). Ano ang ibig sabihin ng Bibliya sa sinabi nitong “hindi na tayo alipinin ng kasalanan?”

- **Tayo ay nabubuhay para sa Diyos.**

¹⁰Minsan lang siyang namatay para sa kasalanan ng mga tao; at nabubuhay siya ngayon para sa Diyos. ¹¹At dahil na kay Cristo Jesus na kayo, ituring ninyo ang inyong mga sarili na patay na sa kasalanan at nabubuhay na para sa Diyos.

Roma 6:10,11

Tulad ng pagkakaisa natin sa kamatayan ni Jesus, ang maganda rito, kabahagi rin tayo sa buhay Niya (Filipos 3:10,11)! Dahil nasa atin ang buhay ng Diyos, nabibigyan tayo ng kapangyarihan ng Banal na Espiritu na talunin ang mga tukso sa mundong ito. Maliban pa sa kakayahang tumalikod sa kasalanan, ano pa ang ipinangako ni Jesus tungkol sa buhay na nasa Kanya (Juan 10:10)?

- **Tayo ay mabubuhay ng malaya at di na muling magpapa-alipin sa kasalanan.**

²⁴Ipinako na ng mga na kay Cristo ang pagnanasa at masasamang hangarin ng kanilang laman doon sa krus. ²⁵At dahil nga namumuhay na tayo sa kapangyarihan ng Banal na Espiritu, magpatuloy tayo sa patnubay nito.

Galacia 5:24,25

Ngayong alam na natin na patay tayo sa kasalanan at nabubuhay para sa Diyos dahil sa ginawa ni Jesus para sa atin, ano ang nararapat nating maging katugunan sa kasalanan? Ang pamumuhay sa katuwiran ay nagsisimula sa pagpapasyang sumunod sa Diyos at sa Kanyang mga kaparaanan ng walang takot at pag-aalala dahil ang Diyos na rin ang nagbibigay sa atin ng kapangyarihang tanggiin ang kasalanan sa pamamagitan ng Banal na Espiritu (Tito 2:11,12). Sa anong mga pagkakataon mo nakita ang kapangyarihan ng Diyos na gumalaw sa iyong buhay?